

*Arce potens hodie, Honorato Hilarioque*, Præsulibus quondam suis, est clara. Et hæc de Archiepiscopalibus *Provincia* Civitatibus; Episcopales sunt undecim, in quibus, quod absque aliarum fiat indignatione, primas dabo *Massiliae*. *Massiliam* Latini omnes, Græcique nominant nonnulli: quæ, *Massalia* Strab. Steph. Veteribusque Nummis: *Masalia* Ptol. *Marseille* vulgo. *Phocæensium Græcorum* in Asia Minore est Colonia. Condita Olympiade xlv, scribente Solino; tempore Tarquinii Regis, ut notat Iustinus lib. xlii. Plutarchus in Solone conditam scribit a *Proto*, qui *Protis* aliis dicitur. Situm petroso in loco, indicat Strabo, prope ostia Rodani amnis, in remoto sinu, velut in angulo Maris, ait ex Trogo Iustinus. Rempubliam porro Massiliensium tantopere laudat M. Tullius, ut, audiente populo Romano, dicere auderet in defensione Fontei, *Civitatis illius Disciplinam, atque Gravitatem non solum Græcia, sed pene cunctis Gentibus anteponendam*. Episcopos suos numerant ab D. Lazaro, quem Christus ab morte suscitavit. Hæc de Massilia: reliquæ urbes Episcopales sunt *Dine*: *Dinia* Plin. Ebrodunensis; *Dinia* Pt. in Sentiis, *Grasse* *Grassense* Opidum. *Glandeve* *Glannate* Viris Doctis latine scribentibus: *Glannatena* Civitas, Notitiæ provinciarum Galliarum in Viennensi iv: In aliis libris est *Glanatica*, in quibusdam *Glannatena*. Falluntur qui *Glanum* Plinii, *Mela* & *Antonini* cum *Glannate* confundunt. *Glanum* enim Antoninus ponit inter Cabellionem & Arelatum: at quam procul inde *Glannate*? Quid *Glanum* hodie ignoratur. *Senas*, *Sanition*, Vescantiorum Opidum in Alpibus Maritimis, Ptol. S. *Paul de Vences*: *Vintium*, Nerviorum opidum in Alpibus Maritimis, Ptol. *Ventia*. *Dioni*. *Apr*: *Apta Julia*: *Vulgentium* Plinio; *Avia Julia* & *Abreulia* corrupte apud Antoninum: Nam in melioribus est *Apta Julia*: ut & in Itineraria tabula. *Ries*: *Reiu*, Notitiæ provinciarum Galliarum, in qua sub Viennensi iiii sic legitur; *Civitas Reiensium*, id est *Reius*. In tabula itineraria, scriptum est *Reis Apollinaris*: quod nondum liquet. *Feriuls*, *Forum Iulij* Planco ad Ciceronem, *Forum Iulium*, Commonorum urbs Ptol. COL. IVL. OCTAV. in Augusti Nummo apud Goltzium: *Forum Iulium Octavorum* Colonia quæ *Pacensis* appellatur & *Classica*, Plin. Hodie portus est Marinus. *Cisteron*, *Segustero* apud Antonium & in Itineraria Tabula: *Cestero*, inquit suis ad Merulam literis Iosephus Scaliger, Plin. apud quem tamen excusum est *Cessero*. Sed *Merula* semper Pliniana *Cessero* eadem censi solet cum ea quæ *Cessero* apud Ptol. Tolosæ & Carcassoni connumerata, quæ hodie in Languedokio *Castres Tolon Telo-* num Doctis Latine scribentibus; *Telo Martius*, Antonino, Opidum in interiore Maris recessu, novem leucis, Massilia. Hæc de Episcopalibus: sunt alia non minoris nominis & antiquitatis Opida: *Antibe*, *Antipolis* Deciatorum Opidum Ptol. *Opidum Latinum*, *Antipolis*, Plin. Tacitus *Antipolm Narbonensis Gallia Municipium* appellat: *Coloniæ* Nummus Titi Imperatoris. *Olbia* Ptol. *Mela*que nota, *Yeres* vel *Hieres* hodie censetur, ad Mare, tribus fere leucis Telono. Contra Opidum iacent nobilissimæ Insulæ, quæ Ptol. *Stachades*. *Lignistides*, Steph. Hodie, opido cognomines, *les Isles* dicuntur de *Yeres* vel *Hieres*, Corallium ibi colligitur optimum, & quo non aliud præstantius in Mari Ligustico. S. *Maximin*, *Tecolata* videtur Antonino in Itinerario, sex grandioribus leucis Massilia, versus Boream. *Tarascon* Strab. *Taruscon* Ptol. ad finisteriorem Rodani ripam: cui in dexteriore opposita visitur *Belloquadræ*, vulgo *Beaucarre* fluvio tantum intercurrente. Comitatus dignitate fulgent Opida: *Sault*, *S. Gullis*, & alia.